



UNIVERSITÄTS-
BIBLIOTHEK
PADERBORN

Universitätsbibliothek Paderborn

Historiae Ecclesiasticae Pars ...

Historiae Ecclesiasticae Pars Secvnda, Qva Continentvr Socratis Scolastici
Constantinopolitani lib. 7. Theodoriti Cyrensis episcopi lib. 5

Christopherson, John

[Köln], 1569

De Placilla Imperatrice. Cap. XVIII.

urn:nbn:de:hbz:466:1-12704

cum respondisset imperator, se expectare diuinorū mysteriorum perceptionē, significauit illi per primarium diaconum, qui ei ministrabat, ad loca interiora solis sacerdotibus aditum patere, eademque aliis omnibus inaccessa esse, nec debere tangi. Iubet igitur, vt exeat, & cum reliquis laicis consistat. Nam purpura, inquit, imperatores, non sacerdotes efficit. Quam admonitionem itidem excepit lubēs imperator fidelissimus: responditque se non animi confidentia inductum, mansisse intra cancellos, sed hanc consuetudinem Constantinopoli didicisse. Quare habeo, inquit, etiam pro hac medicina gratiam. Tantis & tam eximiis virtutis ornamentis enituit, tum episcopus, tum imperator. Vtrunq; enim admiror, alterum propter ingenuam loquendi libertatem, alterum propter facilem obedientiam, & illū propter diuini zeli ardorem, hunc autem propter synceram fidem. Imperator autem pietatis præcepta, quæ ab illustri illo episcopo didicerat, etiam cum reuertisset Constantinopolim, obseruauit. Nam cum diuino quodam festo ad templum denuo veniret, statim vt dona sacræ mensæ obtulerat, exiuit. Atque cum Nectarius, qui id temporis illius ecclesiæ antistes fuit, rogaret, cur non maneret intus, gemens, inquit, ægrè tandem didici, quid inter imperatorem intersit, & episcopum: egrè tandem repperi veritatis magistrum. Nā solum Ambrosium noui episcopum, dignum eo nomine. Tantum commodi reprehensio à viro virtute præstanti adhibita secum apportare solet.

De Placilla Imperatrice. CAP. XVIII.

ALia porrò causa suppetebat huic imperatori, ex qua similiter vtilitatis percepit non parum. Nam coniūx eius nunquam destitit diuinas leges et in memoriam redigere, seque primum eisdem accuratè ipsa erudierat. Si quidem ea non imperatorio principatu se insolenter extulit, sed diuinum, quo flagrabat, desiderium augere studuit. Quippe beneficij magnitudo amorem erga dominum multò reddidit ardentiorē. Itaq; ad eos subleuādos, qui mutilata corpora, membraque omnia labefactata haberent, nihil

PP 5 non

THEODOR. HISTOR.

non diligentia & cura adhibuit, atque ad eam rem non feruorū, sed stipatorū opera vſa eſt, ſed illa ipſa hoc fungi miniſterio, adire eorum hoſpitia, & ſingulis neceſſaria ſuppeditare voluit. Simili quoq; ratione eccleſiarum hoſpitia viſere, ægro tis in lecto decumbentibus curationem adhibere, tractare ollas, iuſculum guſtare, patinam illis deferre, frāgere panem, offas porrigere, eluere pocula, omnia denique alia munera obire, quæ ſerui & ancillæ exequi ſolent. Atque illis, qui eā ab hoc genere miniſterij auocare ſtuderent, reſpondit, aurum distribuere decere imperatorem: ſe autem pro ipſo imperio ei, qui id ipſum dederat, illam operam offerre debere. Quinetiam percrebrō ſolet marito dicere: ſemper te, mi vir, oportet cogitare, qui olim fueris, & qui iam ſis. Iſta aſſiduè animo complectens, non te ingratum oſtendes erga patronum, ſed imperium, quod ſuſcepisti, iuſtè & legitime gubernabis, atque eo rite adminiſtrando eum, qui ipſum donauerit, auguſtè ſanctèq; coles. Eiuſmodi ſermonibus ſemper cum viro habitis, ſemina virtutum animo eius mandata, præclariffimè commodiffimeq; rigauit.

De ſeditione Antiochia ſuſcitata.

CAPVT XIX.

Iſta quidem ante virum migravit à vita: poſt cuius mortem, non ita diu, facinus quoddam fortè fortuna commiſſum accepimus, quod incredibilem amorem imperatoris, quo eam complexus eſt, perſpicuè patefecit. Imperator crebritate bellorum coactus, nouum quoddam & peregrinum tributi genus ciuitatibus impoſuit: quod quidem Antiochia non tulit, ſed plebs, cum videret eos, à quibus exigebatur tributum, propter inficiationem ſuſpendi, cum alia patrat maleſicia, quæ multitudo imperita occaſionem ſeditionis naſta, patrare ſolet, tum ſtatuum æneam omni genere laudis exornandæ Placillæ (id enim nomen imperatrici fuit) deturbat, & per magnam vrbis partem trahit. Quibus auditis, imperator, vt par erat, grauiter commotus, omnia priuilegia vrbi illi adimit, & principatū Lao diceæ